



Broj: 05-JN1-16-4-TB-63-15/24

Sarajevo, 21.10.2024. godine

Na osnovu člana 64. stav (1) tačka b) i člana 70. st. (1), (3), i (6) Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), te člana II Odluke o internim procedurama stvaranja i evidentiranja obaveza Direkcije za evropske integracije broj: 05/A-02-2-SV-45/14 od dana 14.01.2014. godine, direktorica Direkcije za evropske integracije d o n o s i:

O D L U K U

o izboru najpovoljnijeg ponuđača

Član 1.

- (1) Na osnovu provedenog postupka nabavke putem konkurentskog zahtjeva za nabavku 1 (jednog) službenog vozila kao najpovoljniji ponuđač izabran je ponuđač Hyundai Auto BH d.o.o. Sarajevo po ukupnoj cijeni ponude od 25.600,00 KM bez PDV - a, sa kojim će se zaključiti Ugovor za predmetnu nabavku.
- (2) Ponuđač Hyundai Auto BH d.o.o. Sarajevo je u svojoj ponudi ponudio automobil marke HYUNDAI i20 1,2 DPi koji svojim tehničkim karakteristikama u potpunosti odgovara tehničkoj specifikaciji iz Obrasca za cijenu ponude.

Član 2.

- (1) Ova Odluka će se objaviti na internet stranici Direkcije za evropske integracije te istovremeno uputiti ponuđaču Hyundai Auto BH d.o.o. Sarajevo u skladu sa članom 70. stav (6) Zakona o javnim nabavkama Bosne i Hercegovine.
- (2) Odluka stupa na snagu danom donošenja.

O b r a z l o ž e n j e

Odlukom broj: 05-JN1-16-4-TB-63/24 od dana 07.08.2024. godine pokrenut je konkurentski zahtjev za nabavku 1 (jednog) službenog vozila, za potrebe Direkcije za evropske integracije.

Provedeno je istraživanje tržišta za nabavku 1 (jednog) službenog vozila putem pregleda internet stranica firmi koje se bave prodajom automobila na tržištu Bosne i Hercegovine.

U skladu sa navedenim pregled, analiza i priupljanje informacija izvršeno je na sljedećim internet stranicama: <https://www.kia.ba>, <https://www.opel.ba/> i <https://hyundai.ba>. Također, prilikom istraživanja tržišta korištena je i internet stranica <https://www.ultimatespecs.com> koja daje uporedni prikaz tehničkih karakteristika/specifikacija različitih proizvođača automobila.

Nakon provedenog istaživanja tržišta Komisija je pripremila Zahtjev za dostavu ponuda i tehničku specifikaciju za predmetnu nabavku, što je obuhvatalo sve potrebne informacije na osnovu kojih su potencijalni ponuđači mogli pripremiti svoje ponude.

U skladu sa članom 35. stav 1. i 36. stav 1. Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), Ugovorni organ objavio je obavještenje o pokretanju konkurentskog zahtjeva za nabavku 1 (jednog) službenog vozila broj obavještenja: 231-7-1-82-3-49/24 od dana 20.09.2024. godine.

Komisija za javne nabavke (u daljem tekstu: Komisija) je konstatovala da je do krajnjeg roka za dostavu ponuda, na Protokol Direkcije za evropske integracije, prispjela samo ponuda ponuđača Hyundai Auto BH d.o.o. Sarajevo.

Na zatvorenom sastanku Komisija je izvršila ocjenu dostavljene ponude za predmetnu nabavku, te konstatovala da je ponuda prihvatljiva o čemu je sačinila Zapisnik sa detaljnim obrazloženjem odabira.

Na osnovu kriterija „najniža cijena“, Komisija je dala preporuku direktorici Direkcije za evropske integracije da donese Odluku o izboru najpovoljnijeg ponuđača i dodjeli Ugovor za nabavku 1 (jednog) službenog vozila ponuđaču Hyundai Auto BH d.o.o. Sarajevo po ukupnoj cijeni u iznosu od 25.600,00 bez PDV-a.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnova za neprihvatanje preporuke Komisije za predmetnu nabavku.

Naime, u postupku je cijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uzimajući u obzir sve navedeno, Ugovor za nabavku 1 (jednog) službenog vozila dodjeljuje se ponuđaču Hyundai Auto BH d.o.o. Sarajevo po ukupnoj cijeni ponude u iznosu od 25.600,00 KM bez PDV - a.

Iz navedenih razloga, donesena je Odluka kao u dispozitivu.

POUKA O PRAVNOM LIJEKU:

Protiv ove Odluke se može izjaviti žalba Ugovornom organu, najkasnije u roku od 5 (pet) dana od dana prijema ove odluke.



Dostaviti:

1. Ponuđaču Hyundai Auto BH d.o.o. Sarajevo
2. a/a